

Izvodi iz Pravilnika o članstvu Medžlisa Islamske zajednice Tuzla

- Član Medžlisa Islamske zajednice Tuzla od 1.1.2017. godine može steći 100% članske pogodnosti protekom 20 godina od dana učlanjenja – svake godine članstva po 5%. Za sticanje i održavanje članskih pogodnosti potrebno je redovno plaćanje obavezne godišnje članarine u iznosu od 100 KM svake godine tokom perioda sticanja pogodnosti, ali i nakon tog perioda za održavanje članstva i stečenih pogodnosti.
- Član Medžlisa može steći pogodnosti i plaćanjem članarine u nižem iznosu od 50 KM, s tim da plaćanjem ove članarine član stiče pogodnosti do 50% na vjerski dio dženaze protekom 20 godina – svake godine po 2,5%.
- Članarina se može plaćati u manjim iznosima tokom godine.
- Član koji djelimično uplati članarinu u tekućoj godini preostali iznos članarine može uplatiti do 31. marta iduće godine. Ukoliko član ne plati članarinu do 31. marta gubi status člana.
- Osnovna članarina se određuje za porodicu do četiri člana. Porodično članstvo obuhvata zajednicu roditelja i djece. Smanjenje broja članova porodice nakon sticanja porodičnog članstva ne utiče na iznos članarine. Ženidbom ili udajom djeteta zasniva se nova porodica koja može nastaviti vlastito članstvo, s tim da dobija pogodnosti stečene u zajednici sa roditeljima i ne tretira se kao novoučlanjena porodica. Nakon ženidbe ili udaje djeca plaćaju članarinu za vlastitu porodicu, a roditelji za sebe nastavljaju plaćati članarinu.
- Za dijete koje u članskoj zajednici sa roditeljima navršši 35 godina života nastaje obaveza samostalnog zasnivanja članstva, a članske pogodnosti stečene u zajednici sa roditeljima prenose se na njegovo članstvo, s tim da roditelji nastavljaju plaćati članarinu za održavanje vlastitog članstva.
- Nakon ženidbe, udaje ili navršenjem 35. godine života dijete se ne može vratiti ili ostati u porodičnom članstvu sa roditeljima.
- Članarina se ne plaća za treće i svako naredno dijete.

Izvršni odbor MIZ Tuzla